

千別有春鉛錫點金終屬假丹青畫馬妄求真請觀風急天寒
夜誰是當門定脚人

代書寄長安幕張文通

無學又無謨胸中一向虛枯腸忻飲酒病眼怕看書洛浦輕風
裏天津小雨餘故人千里隔相望意何如

先幾吟

先幾能識是吾儕慎勿輕爲世俗哈把似眾中呈醜拙爭如靜
裏且詼諧奇花萬狀皆輸眼明月一輪長入懷似此光陰豈虛
過也知快活作人來

風吹木葉吟

熙甯二年

道藏輯要

擊壤集

三

四星集七
三三

風吹木葉不吹根慎勿將根苦自陳天子舊都閒好住聖人餘
事冗休論長年國裏神仙侶安樂窩中富貴人萬水千山行已
遍歸來認得自家身

閒行吟

長憶當年掃弊廬未嘗二徑草荒蕪欲爲天下屠龍手肯讀人
間非聖書否泰悟來知進退乾坤見了識親疎自從會得環中
意閒氣胸中一點無

投吳走越覓青天殊不知天在眼前開眼見時猶有病舉頭尋
處更無緣顏淵正在如愚日孟子方當不動年安得功夫遊寶
肆愛人珠貝重憂錢